


Қуръонга оид савол-жавоблар (ўн тўртинчи мақола)



09:00 / 01.02.2023 3572

14-савол: «Солиҳа аёл Қиёмат куни золим, жиноятчи, мушрик эри билан дўзахда бирга бўладими?»

Бисмиллаҳир роҳманир роҳийм

Алҳамдулиллаҳ ва соллаллоҳу васаллама ва барока ъала Расулиллаҳ ва ъала алиҳи ва асҳабиҳи ва ман ваалаҳ.

Ассалому алайкум ва роҳматуллоҳи таъала ва барокатуҳ.

«Солиҳа аёл Қиёмат куни золим, жиноятчи, мушрик эри билан дўзахда бирга бўладими?» ёки «Солиҳ, тақводор эркак Қиёмат куни мушрика, золима аёли билан дўзахда бирга бўладими?»

Азизлар, бу савол Аллоҳ таолонинг мана бу оятини нотўғри тушунишдан келиб чиққандир.

Аллоҳ таоло Қуръони Каримда шундай марҳамат қилган:

دُونِ مِنْ ﴿٢٢﴾ يَعْبُدُونَ كَانُوا وَمَا وَأَزْوَاجَهُمْ ظَلَمُوا الَّذِينَ أَحْسَرُوا ❁

﴿٢٣﴾ الْجَحِيمِ صِرَاطٍ إِلَىٰ فَأَهْدُوهُمْ اللَّهُ

«Зулм қилганларни, уларнинг жуфтларини ва улар ибодат қилиб юрган...

Аллоҳдан ўзга нарсаларини тўпланглар. Бас, уларни дўзах йўлига «ҳидоят» қилинглар», (дейилур)» (Соффат сураси, 22-23-оятлар).

Баъзи одамлар ушбу ояти карималар эр хотини билан, хотин эса эри билан Қиёмат куни аниқ бирга бўлишини баён қиляпти, агар эр солиҳ бўлса, аёли ҳам солиҳлар қаторида эри билан бирга жаннатга киради, агар эр фосиқ бўлса, аёли ҳам у билан бирга дўзахга киради, деб ўйлайдилар. Мантиқан қараганда, эр солиҳ бўлса жаннатга киради, аёли фожира, золима бўлса, тавба қилмай вафот этса, дўзахга киради деб, ўйлашлари керак эди. Биз бу каби мулоҳазаларга қуйидагича тўхталиб ўтамиз:

Юқоридаги саволни берган кишилар «жуфтлик» сўзини фақат эркак ва аёлга хослаб қўймоқдалар. Ваҳоланки, «жуфтлик» арабларнинг луғатида умумий қонун ҳисобланади. Яъни, «жуфтлик» калимаси инсонни, ҳайвонни, ўсимликларни ўз ичига олади. Роббимиз субҳанаҳу ва таоло Ўзининг Каломида шундай марҳамат қилган:

٤٩ نَذْكُرُونَ لَكُمْ زَوْجِينَ خَلَقْنَا شَيْءٍ كُلِّ وَمِنْ

«Ва ҳар бир нарсдан жуфтлар яратдик. Шоядки, эслатма олсангизлар» (Зарият сураси, 49-оят).

Аллоҳ таоло бошқа бир оятда:

كُلِّ وَمِنْ وَأَنْهَارًا رَوَسِي فِيهَا وَجَعَلَ الْأَرْضَ مَدًّا الَّذِي وَهُوَ

ذَلِكَ فِي إِنَّ النَّهَارَ اللَّيْلَ يُغْشَى أَثْنَيْنِ زَوْجِينَ فِيهَا جَعَلَ الشَّجَرَاتِ

٢ يَتَفَكَّرُونَ لِقَوْمٍ لَّآيَاتِ

«У ерни ёйиб, унда барқарор тоғлар ва анҳорлар қилган, барча мевалардан жуфт-жуфт қилган Зотдир. У кечани кундузга

қоплайдир. Бунда, албатта, тафаккур қилувчи қавмлар учун оят (белги)**лар бордир»** (Раъд сураси, 3-оят), деб марҳамат қилган.

Оятларга эътибор берсак, жуфтлик барча махлуқларда бўлишига гувоҳ бўламиз. Шунинг учун «жуфтлик» калимасини фақат эркак ва аёлга хослаб қўймаслик керак. Аммо биз ўрганаётган юқоридаги Соффат сурасининг 22-

оятидаги **وَأَزْوَاجَهُمْ** (ва азважаҳум) калимасидан мурод эркак ва аёл

эмас, чунки **وَأَزْوَاجَهُمْ** калимаси **هَابِشًا** (ашбах) ва

رِيَّاطَان (назоир) маъноларида ҳам келади. Демак, бу оятдаги

وَأَزْوَاجَهُمْ калимаси «ўхшаган», «бир хил», «ўхшаш» маъноларида

бўлади.

Шунда оятнинг маъноси:

«Зулм қилганларни, уларнинг жуфтларини (уларга ўхшаганларни) **ва улар ибодат қилиб юрган... Аллоҳдан ўзга нарсаларини тўпланглар. Бас, уларни дўзах йўлига «ҳидоят» қилинглар»,** (дейилур)» кўринишида бўлади.

Дўзахга мушриклар билан бирга ўзларига ўхшаганлар бир жамоа бўлиб киради. Золимлар, қотиллар, жинойтчилар, тоғутлар эса ўзларига ўхшаганлар билан дўзахга кирадилар. Ўғрилик, зинокорлик қилиб юрадиган, хамр ичадиган бузғунчилар, тавба қилмай вафот этсалар,

ўзларига ўхшаганлар билан дўзахга кирадилар.

Аллоҳ таоло Қуръони Каримда шундай марҳамат қилган:

أَصْحَابُ مَا الِّمَيْمَنَةِ فَأَصْحَابُ ﴿٧﴾ ثَلَاثَةَ أَزْوَاجًا وَكُنْتُمْ

﴿٩﴾ الْمَشْجَمَةِ أَصْحَابُ مَا الْمَشْجَمَةِ وَأَصْحَابُ ﴿٨﴾ الِّمَيْمَنَةِ

﴿١٠﴾ السَّابِقُونَ وَالسَّابِقُونَ

«Ва сиз уч тоифа бўлганингизда... Ўнг тараф соҳиблари - ўнг тараф соҳиблари недир?! Ва чап тараф соҳиблари - чап тараф соҳиблари недир?! Ва пешқадамлар, пешқадамлар» (Воқеа сураси, 7-8-9-10-оятлар).

Мана шу оятларда ҳам **أَزْوَاجًا** калимаси «тоифа», «жамоа», «тўп»

маъноларида келмоқда. Агар эр солиҳ бўлиб, хотин бузғунчи бўлса ёки аксинча, хотин солиҳа бўлиб, эр бузғунчи бўлса, Қиёмат куни уларнинг

Ўрталари ажратилади.

Бу ҳақда Аллоҳ таоло:

الْمُجْرِمُونَ أَيَّهَا الْيَوْمَ وَأَمْتَرُوا ﴿٥٩﴾

«**Бугунги кунда ажралингиз, эй жиноятчилар!**» (Ёсин сураси, 59-оят),
деб марҳамат қилган.

Қиёмат куни маҳшар майдонида турли тоифадаги инсонлар бўлади. У ерда солиҳлар, бузғунчилар ва ҳоказолар бўлади. Солиҳлар бир томонга, бузғунчилар эса бошқа томонга ажратилади. Бунга далил қуйидаги оятлардир:

يَنْفَرُّونَ يَوْمَئِذٍ السَّاعَةِ تَقُومُ وَيَوْمَ ﴿١٤﴾

«**Соат қоим бўлган куни - ўша куни фирқаланурлар**».

فِي فِهُمُ الصَّالِحِينَ وَعَمِلُوا ءَامَنُوا الَّذِينَ فَأَمَّا

يُحِبُّونَ رَوْضَةٍ ١٥

«Бас, иймон келтириб, яхши амалларни қилганлар - улар жаннатда шодланурлар»

فِي فَأُولَئِكَ الْآخِرَةِ وَلِقَائِي بِأَيَّتِنَا وَكَذَّبُوا كَفَرُوا الَّذِينَ وَأَمَّا

مُحَضَّرُونَ الْعَذَابِ ١٦

«Аммо куфр келтириб, Бизнинг оятларимизни ва охират мулоқотини ёлғонга чиқарганлар - ана ўшалар азобга ҳозир қилинувчилардир»
(Рум сураси, 14-15-16-оятлар).

Азизлар, келинг, Аллоҳ таолонинг Каломидаги Таҳрим сурасининг охириги уч оятлари билан батафсил танишиб чиқсак:

لُوطٍ وَأُمَّرَاتِ نُوْحٍ أُمَّرَاتٍ كَفَرُوا لِلَّذِينَ مَثَلًا اللَّهُ ضَرَبَ

فَلَمْ فَخَانَتَاهُمَا صَالِحِينَ عِبَادِنَا مِنْ عَبْدَيْنِ تَحْتِ كَانَتَا

مَعَ النَّارِ أَدْخُلَا وَقِيلَ شَيْئًا اللَّهُ مِنْ عَنْهُمَا يُغْنِيَا

الدَّٰخِلِينَ ﴿١٠﴾

«Аллоҳ куфр келтирганларга Нуҳнинг хотини ва Лутнинг хотинини мисол қилиб келтирди. Улар бандаларимиздан икки солиҳ банданинг измида эдилар. Бас, уларга хиёнат қилдилар ва (эрлари) улардан Аллоҳдан бирор нарсани қайтара олмадилар ва уларга: «Оловга кирувчилар билан қиринглар!» - дейилди» (Таҳрим сураси, 10-оят).

Нух алайҳиссаломнинг хотинлари иймонда хиёнат қилган. У кишини масхара қилганларга қўшилиб, у аёл ҳам ўз эри – Нух алайҳиссаломни масхара қилар экан.

Лут алайҳиссаломнинг хотинлари ҳам эътиқод ишида хиёнат қилган. У гуноҳкор қавмга ўз эрининг ҳузурига келган меҳмонлар ҳақида ахборот бериб турар экан. Гуноҳкор қавм эса келиб, улар билан фаҳш иш қилишга уринар эди. Бу икки аёл Аллоҳнинг икки солиҳ бандаси – икки пайғамбарига хотин бўлишларига қарамасдан, куфр ҳолатида хиёнат қилдилар. Уларни Аллоҳга энг яқин бандаларга хотин бўлишлари қутқариб қолмади. Уларга: «Дўзахга кирувчилар билан бирга сизлар ҳам дўзахга киринглар!» – деб айтилди.

Демак, ҳар ким ўзининг иймони ва амалига қараб, жазо ёки мукофотини олади. Қариндош-уруғчилик, мансаб, насаб, хасаб фойда бермайди.

Кейинги оятларда мўминларга Фиръавннинг хотини ва Биби Марям мисол қилиб келтирилади.

إِذْ فِرْعَوْنُ أُمَّرَأَتَهُ أَمَنُوا لِلَّذِينَ مَثَلًا اللَّهُ وَضَرَبَ

فِرْعَوْنُ مِنْ وَنَجَّيَ الْجَنَّةِ فِي بَيْتًا عِنْدَكَ لِي أَبْنِ رَبِّ قَالَتْ

الظَّالِمِينَ الْقَوْمِ مِنْ وَنَجَّيَ وَعَمَلِهِ ۝۱۱

«Аллоҳ иймон келтирганларга Фиръавннинг хотинини мисол қилиб келтирди. Ўшанда у: «Роббим, менга Ўз ҳузурингда - жаннатда бир уй бино қилгин. Менга Фиръавндан ва унинг ишидан нажот бергин ва менга золим қавмдан нажот бергин», - деб айтди» (Таҳрим сураси, 11-оят).

Фиръавннинг хотини ўша пайтдаги энг катта подшоҳнинг аёли эди. Ҳар жиҳатдан тўкинликда яшар эди. Нимани хоҳласа, шуни қилиши мумкин. Қасрларда, турли неъматлар ичида фароғатда яшашига қарамасдан, кофир ва золим эрига ва қавмига қарши чиқди. Аллоҳ таолога иймон келтирди. Аллоҳдан жаннатда уй қуриб беришини сўради. Бу эса дунё ҳойи-ҳавасидан устун келишнинг олий мисолидир.

Мўминларнинг иккинчи мисоли Биби Марямдирлар.

مِنْ فِيهِ فَفَخَّنَا فَرَجَّهَا أَحْصَنَتِ الَّتِي عَمَّرْنَا ابْنَتَ وَمَرْيَمَ

الْقَنِينِ مِنْ وَكَانَتْ وَكُتِبَ رَّبِّهَا بِكَلِمَاتٍ وَصَدَّقَتْ رُوحَنَا

«Ва фаржини пок сақлаган Имрон қизи Марямни (мисол келтирди). Бас, Биз унга Ўз руҳимиздан пуфладик ва у Роббининг сўзларини ҳамда китобларини тасдиқ қилди ва итоаткорлардан бўлди» (Таҳрим сураси, 12-оят).

Биби Марям Имрон қизи Аллоҳга соф эътиқодда бўлганлар ва ўзларини ҳам соф тутганлар. Яҳудийлар тухмат қилганларидек, нопок бўлмаганлар. Аллоҳ таоло Жаброил фаришта орқали ўша пок жасадга Ўз руҳидан «пуф» дейиш билан Ийсо алайҳиссаломни ато қилган. Бу қиссалар бошқа сураларда батафсил келгани учун, биз бу ерда яна такрорлаб ўтирмаймиз, фақат шунини таъкидлаймизки, у киши Аллоҳнинг сўзларига ва китобларига иймон келтирганлар ҳамда итоаткор қавмлардан бўлганлар. Мўминлар Биби Марям ҳаётларидан ўрнак олишлари керак.

Демак, Қиёмат куни Нуҳ ва Лут алайҳимассаломлар хотинларидан ажратилдилар. Фиръавн билан унинг хотини ҳам ажратилади.

Солиҳ эр мушрика хотинидан, солиҳа аёл кофир эридан ажратилади. Ҳар бирлари ўзларига ўхшаганлар билан бирга бўлишади.

Энди эр ҳам, хотин ҳам, фарзандлар ҳам солиҳ бўлсалар, Қиёмат куни барчалари бирга бўладилар.

Аллоҳ таолодан сизу бизни ҳамда оилаларимизни солиҳлардан қилишини сўраймиз.

وَمَا ذُرِّيَّتَهُمْ بِهِمُ الْحَقْنَا بِإِيْمَانٍ ذُرِّيَّتَهُمْ وَأَتَّبَعْنَاهُمْ ءَامَنُوا وَالَّذِينَ

رَهِيْنٌ كَسَبَ بِمَا أَمْرِي كُلِّ شَيْءٍ مِّنْ عَمَلِهِمْ مِّنَ النَّهْمِ ﴿٢١﴾

«Ўзлари иймон келтириб, зурриётлари уларга иймон билан эргашганларнинг зурриётларини уларга қўшдик ва уларнинг амалларидан ҳеч нарсани камайтирмадик. Ҳар бир киши ўз касбининг гаровидир» (Тур сураси, 21-оят).

Бу дунёда иймону Ислому билан ўтган кишилар жаннатга кирганларидан сўнг яқинларини сўраб, улар қани, деб қолишар экан. Ўшанда агар зурриётлари ҳам иймон билан ўтган бўлса, даражалари унчалик юқори бўлмаса ҳам, Аллоҳ уларни ота-оналарига қўшиб қўяр экан.

Мана шулар юқорида берилган саволларга ечим бўлади. Валлоҳу аълам.

Валҳамду лиллаҳи Роббил ъаламийн.

**Доктор Марвон Ваҳид Шаъбон ҳафизаҳуллоҳнинг
видеосўхбатларидан.**

Таржимон: Нозимжон Ҳошимжон

Муҳаррир: Хуршид Маъруф